

2013ko lehen hiruhilekoan 822 ezkontza izan ziren, urtebete lehenago baino %18,8 gutxiago

Ezkontza zibilak, %91

Euskal AEko ezkontzak: Euskal AEn 822 ezkontza izan ziren 2013ko lehen hiruhilekoan, hau da, 2012ko laugarren hiruhilekoak (1.483) baino %44,6 gutxiago, eta aurreko urteko hiruhileko berekoak (1.012) baino %18,8 gutxiago, Eustaten datuen arabera. Ohikoa denez, urteko lehen hiruhilekoan ezkontza gutxi izan zen, batez ere urtarrilean eta otsailean.

Aurreko urteetan bezala, ezkontza zibilen ehunekorik handiena (%91) hiruhileko horretan izan zen, zertxobait gehiago aurreko urteko hiruhileko berean (%90,1) baino. Araban izan zen ezkontza zibilik gehien, %94,4; Gipuzkoan %87,2 eta Bizkaian %92,9.

2013ko lehen hiruhileko 822 ezkontzetan, bizilekua Euskal AEn duten 796 gizonetzko eta 790 emakumezko ezkondu ziren. 672 senarrentzat (%84,4), lehen ezkontza izan zen; 13 alargun eta 111 dibortziatu berriro ezkondu ziren. Lehenengo aldiz ezkonduetako emakumeen portzentajea pixka bat txikiagoa izan zen gizonena baino: 663 (%83,9); alargunak 4 eta dibortziatuak 123.


Ezkontzak ezkontideek eztei-egunean zuten adinaren arabera banatuz gero, senarren artean, %86,3k 30 urtetik gora zituzten; emazteen artean, berriz, %80,4k. Gizon artean, ehuneko hori lehengo urteko hiruhileko berekoa (%87,5) baino txikiagoa da; emakume artean (%79,7) eutsi egiten zaio beste hiruhileko batez gero eta urte gehiagorekin ezkontzeko joerari.

2013ko lehen hiruhilekoan, emakume ezkonduen %15,3 eta gizonen %12,8 atzerritarrak ziren. 2012ko aldi beraren aldean portzentajea txikitu egin da emakume artean (-1,3 puntu) eta hazi (+1,4 puntu) gizon artean.

Sexu bereko pertsonen artean 22 ezkontza izan ziren, aurreko urteko hiruhileko bereko 35ak baino gutxiago; 16 gizonen artekoak eta 6 emakumeen artekoak.

	2013ko 1. hiruhilekoa		Aurreko hiruhilekoa (2012ko 4. hiruhilekoa)		Aurreko urteko hiruh. bera (2012ko 1. hiruhilekoa)	
	kop.	%	kop.	%	kop.	%
EZKONTZAK	822	100,0	1.483	100,0	1.012	100,0
Kanonikoak	74	9,0	283	19,1	100	9,9
Zibilak	748	91,0	1.200	80,9	912	90,1
SENARGAIK	796	100,0	1.414	100,0	969	100,0
Ezkongabeak	672	84,4	1.238	87,6	828	85,4
Alargunak	13	1,6	17	1,2	14	1,4
Dibortziatuak	111	13,9	159	11,2	127	13,1
EMAZTEGAIK	790	100,0	1.439	100,0	976	100,0
Ezkongabeak	663	83,9	1.251	86,9	836	85,7
Alargunak	4	0,5	8	0,6	10	1,0
Dibortziatuak	123	15,6	180	12,5	130	13,3

Iturria: EUSTAT. Euskal AEko Ezkontzen Estatistika



Informazio gehiago:

Eustat - Euskal Estatistika Erakundea / Instituto Vasco de Estadística
Donostia-San Sebastián, 1. 01010 Vitoria-Gasteiz
Prentsa zerbitzua: servicioprensa@eustat.es Tel.: 945 01 75 62
Euskal AEko EZKONTZEN ESTATISTIKARI buruzko prentsa-ohar gehiago
Euskal AEko EZKONTZEN ESTATISTIKARI buruzko datu-bankua